

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-1617/11
Sarajevo, 20.12.2011. godine

Z A P I S N I K
**7. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 8. i 20. decembra 2011. godine**

Sjednica je počela u 11.50.

Sjednici je predsjedavala Karolina Pavlović, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila delegate, potpredsjednika Federacije Svetozara Pudarića, zamjenika premijera Jerku Ivankovića Lijanovića, ministre u Vladi Federacije BiH, predstavnike sindikata, predstavnike nevladinih organizacija i predstavnike akreditiranih medijskih kuća koji prate rad sjednice.

Izostanak sa sjednice opravdali su: Vesna Nemic-Klisura, Branislav Crnogorac i Elvira Abdić-Jelenović.

Na osnovu evidencije Stručne službe, predsjedavajuća je konstatovala da sjednici prisustvuje 47 delegata, što čini većinu, te Dom naroda može raditi i punovažno odlučivati.

Nakon toga predsjedavajuća je dala na glasanje Zapisnik 6. sjednice Doma naroda.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, bez primjedbi (35 glasova za, pet uzdržanih glasova i dva glasa protiv), usvojio Zapisnik 6. sjednice Doma naroda Parlamenta Federacije BiH, održane 10.11.2011. godine.

Predsjedavajuća je podsjetila delegate da na osnovu člana 104. Poslovnika o radu Doma naroda mogu postavljati delegatska pitanja i pokretati inicijative, te izraziti nezadovoljstvo dobijenim odgovorom.

Delegatska pitanja i inicijative

Zahid Bašić izrazio je nezadovoljstvo nedobijanjem odgovora na inicijativu upućenu Federalnom ministarstvu pravde, Vladi Federacije BiH i Visokom sudskom i tužilačkom vijeću Bosne i Hercegovine vezano uz uspostavu općinskih sudova u Banovićima i Lukavcu zatraživši da se hitno postupi po ovoj inicijativi.

Radoje Vidović izrazio je nezadovoljstvo što Ured predsjednika Federacije BiH i rukovodstvo oba doma Parlamenta Federacije nisu odgovorili na ranije postavljena pitanja zatraživši da mu se dostave odgovori na ova pitanja.

Drago Puzigaća postavio je pitanje Vladi Federacije koje se odnosi na poduzimanje mjera s ciljem poboljšanja ekonomske situacije u općinama Drvar, Bosansko Grahovo i Glamoč i da li Vlada Federacije ima namjeru formirati interesorsne grupe za sagledavanje stanja u ovim općinama.

Slobodan Tomić pohvalio je Federalno ministarstvo za izbjegle i raseljena lica zbog asfaltiranja puta za povratničku populaciju u Zapadnohercegovačkom kantonu, a postavio je pitanje Federalnom ministarstvu prometa i komunikacija - zašto određeni prijevoznici trebaju donositi potvrde o plaćenom porezu svaka tri mjeseca.

Josip Perić postavio je dva pitanja.

Upitao je Vladu Federacije šta će učiniti u vezi sa poboljšanjem načina naplate doprinosa za zdravstveno osiguranje kako bi Zavod zdravstvenog osiguranja i reosiguranja Federacije BiH mogao funkcionirati i šta će se poduzeti kako bi se osigurala sredstva Zavodu zdravstvenog osiguranja Hercegbosanskog kantona.

Drugo pitanje upućeno je Federalnom ministarstvu za pitanja branilaca i invalida odbrambeno-oslobodilačkog rata a odnosi se na ukidanje prava licima koja su bile zatočena u koncentracionim logorima u Bugojnu. Zatražio je odgovor da li je Besim Hodžić, savjetnik ministra Zukana Heleza, bio komandant koncentracionog logora u Bugojnu.

Inicirao je da se podnese izvještaj o reviziji branilaca i informacija koliko je zaposlenih lica hrvatske nacionalnosti u Federalnom ministarstvu za pitanja boraca i invalida odbrambeno-oslobodilačkog rata.

Segmedina Srna-Bajramović pokrenula je inicijativu za izmjenu člana 76. Poslovnika o radu Doma naroda kojom bi se predstavniku delegata iz reda ostalih omogućilo prisustvovanje sjednicama Kolegija Doma naroda bez prava odlučivanja s ciljem istinitosti, transparentnosti i bolje informiranosti svih delegata.

Amir Zukić pozvao je Vladu Federacije da dostavlja odgovore na delegatske inicijative.

Ponovo je pokrenuo inicijativu za formiranje agencije za sport.

Zatražio je da mu se dostavi visina menadžerskih primanja u svim javnim ustanovama i preduzećima koja su u vlasništvu države.

Pokrenuo je inicijativu za formiranje zajedničke službe oba doma Parlamenta Federacije BiH kojom bi se rad i saradnja domova Parlamenta učinili efikasnijim i boljim.

Mustafa Kurtović pokrenuo je inicijativu kojom se od Direkcije cesta Federacije BiH traži da u svom finansijskom planu predvidi sredstva za nastavak izgradnje obilaznice oko Goražda prema revidiranom projektu urađenom prije dvije godine.

Almedin Aliefendić od Federalnog ministarstva okoliša i turizma zatražio je izvještaj o radu Fonda za zaštitu okoliša Federacije BiH a od Upravnog odbora Fonda za zaštitu okoliša Federacije BiH informaciju o prihodima i rashodima sa

analitikom pojedinačnih izvora po kantonima uplaćenih novčanih sredstava za tekuću godinu. Upitao je da li su lokalne zajednice u kojima se nalaze najveći zagađivači okoliša adekvatno zastupljeni prilikom dodjele sredstava koje dodjeljuje Fond za zaštitu okoliša Federacije BiH.

Esad Bašagić pokrenuo je inicijativu za donošenje jedinstvenog zakona o držanju i nošenju vatrenog oružja u Federaciji BiH.

Ivo Tadić pokrenuo je inicijativu prema Kolegiju Doma naroda i traži održavanje tematske sjednice Doma naroda na kojoj bi se raspravljalo o procesu revizije unutar Federalnog ministarstva za pitanja branilaca i invalida odbrambeno-oslobodilačkog rata.

Zahid Bašić pokrenuo je inicijativu prema Vladi Federacije, Federalnom ministarstvu poljoprivrede, vodoprivrede i šumarstva i Agenciji za vodno područje Save i traži da se planom i finansijskim planom Agencije za vodno područje Save za 2012. godinu planira nastavak regulacionih radova rijeke Spreče na dionici uzvodno od ušća rijeke Jale, dionica uzvodno od Šikuljačke rijeke.

Nikola Simić postavio je dva delegatska pitanja.

Prvo pitanje postavio je Vladi Federacije a odnosi se na zimsko održavanje dionice magistralnog puta M-16 Rostovo - Novi Travnik te je pitao ko je odgovoran da bi se ova dionica održavala u stanju sigurnom za normalno odvijanje saobraćaja.

Drugo pitanje uputio je Federalnom ministarstvu poljoprivrede, vodoprivrede i šumarstva vezano uz izmjenu Zakona o lovstvu a tiče se štete koju prouzrokuju medvjedi na području lovišta oko Bugojna.

Mira Jurić postavila je pitanje Vladi Federacije u vezi sa renoviranjem prostorija Geodetskog zavoda predviđenim za potrebe dva ministarstva Vlade Federacije. Upitala je da li su neka ministarstva počela raditi u toj zgradi.

Huso Obradović postavio je dva delegatska pitanja.

Prvo pitanje postavio je Federalnom ministarstvu zdravstva a odnosi se na potrebu postojanja duplih domova zdravlja u Stocu, Čapljini i Prozoru, tj. imaju li ti domovi zdravlja ekonomsku opravdanost.

Drugo pitanje postavio je Federalnom ministarstvu raseljenih lica i izbjeglica - da li Ministarstvo ima analizu kvaliteta života povratnika na području Federacije BiH.

Ivan Brigić uputio je dva pitanja Kolegiju Doma naroda.

Prvo pitanje se odnosi na nacionalnu strukturu zaposlenih u Domu naroda.

Takođe, upitao je kada će se izvršiti izbor potpredsjedavajućeg Doma naroda iz reda srpskog naroda.

Stipo Pelivan uputio je pitanje Vladi Federacije a odnosi se na postojanje ugovora između Elektroprivrede BiH i Elektroprivrede "HZ-HB" o prodaji, odnosno kupnji električne energije sa firmom "Rundap" i ako postoji ugovor po kojoj cijeni se prodaje, odnosno kupuje električna energija.

Sretko Radišić postavio je pitanje Federalnom ministarstvu rada i socijalne politike - da li Federalni zavod za zapošljavanje analizira negativni trend kada je u pitanju odnos zaposlenih i nezaposlenih lica u Federaciji kako bi se iznašlo rješenje koje će zaustaviti ovaj negativni trend. Također, pitao je da li je

Federalni zavod za zapošljavanje izvršio anketiranje kolika je realna stopa nezaposlenih u Federaciji kako bi se znalo koliko je ukupno aktivne radne snage.

Zijat Mušić upitao je Vladu Federacije kada će uputiti u parlamentarnu proceduru Zakon koji se tiče cjelovitog rješenja prijevremenog penzionisanja kategorija koje su sastavnice oružanih snaga (MUPR BiH i MUPHZHB) sa posebnim osvrtom na osobe navedene u obrazloženju Odluke Ustavnog suda Federacije BiH koji je trebao biti dostavljen u skladu sa usvojenim Zaključkom Doma naroda.

Dževad Rađo zatražio je od Kolegija, predsjednika klubova naroda i radnih tijela u Domu naroda da izvrše bolju koordinaciju prilikom zakazivanja sjednica.

Enes Salkanović postavio je pitanje Federalnom ministarstvu poljoprivrede, vodoprivrede i šumarstva vezano uz prikupljanje i distribuciju mlijeka u Općini Odžak, tj. zašto se predstavnici "Udruženja Mliječni put" iz Odžaka ne mogu više pojavljivati kao podnosioci zahtjeva za poticaje iako posjeduju urednu dokumentaciju, te zašto se mora svaki put kompletirati dokumentacija u vrijeme kada se vrši obračun poticaja za proizvođače mlijeka.

Nakon postavljenih delgatskih pitanja i inicijativa, Kolegij Doma naroda je predložio usvajanje dvije inicijative.

Prvu inicijativu pokrenuo je potpredsjednik Federacije BiH Svetozar Pudarić a tiče se podizanja spomen-obilježja građanima srpske nacionalnosti u Sarajevu koji su kao nedužni i nevini civili pogubljeni na zločinački način na Kazanima te inicijativa za označavanje mjesta stradanja na području Federacije BiH.

Također, Kolegij Doma naroda pokrenuo je inicijativu za osnivanje zajedničke komisije za evropske integracije oba doma Parlamenta Federacije BiH.

Na osnovu rezultata glasanja, predsjedavajuća je konstatovala da je, sa 44 glasa za i uz jedan glas protiv, Dom naroda Parlamenta Federacije usvojio Inicijativu potpredsjednika Federacije BiH Svetozara Pudarića za podizanje spomen-obilježja građanima srpske nacionalnosti u Sarajevu koji su kao nedužni i nevini civili pogubljeni na zločinački način na Kazanima i Inicijativu za označavanje mjesta stradanja na području Federacije BiH.

Na osnovu rezultata glasanja, predsjedavajuća je konstatovala da je, sa 44 glasa za, uz jedan uzdržani glas i uz jedan glas protiv, Dom naroda Parlamenta Federacije usvojio Inicijativu za osnivanje zajedničke komisije za evropske integracije oba doma Parlamenta Federacije BiH.

Nakon postavljenih delegatskih pitanja i pokrenutih inicijativa prešlo se na utvrđivanje dnevnog reda.

Predsjedavajuća je obavijestila delegate da je Vlada Federacije dostavila Prijedlog Zakona o izmjenama i dopunama Zakona o državnoj službi u Federaciji BiH s prijedlogom da se razmatra po hitnom postupku.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 33 glasa za, uz tri uzdržana glasa i uz šest

glasova protiv, prihvatio da se Prijedlog Zakona o izmjenama i dopunama Zakona o državnoj službi u Federaciji BiH razmatra po hitnom postupku.

Također, Vlada Federacije dostavila je Prijedlog Zakona o izmjenama i dopunama Zakona o izvršnom postupku s prijedlogom da se razmatra po hitnom postupku. Budući da je Predstavnički dom razmatrao ovaj zakon u formi nacrt, Kolegij predlaže da i Dom naroda razmatra ovaj zakon u formi nacrt.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 36 glasova za, uz sedam uzdržanih glasova i uz jedan glas protiv, prihvatio da se Prijedlog Zakona o izmjenama i dopunama Zakona o izvršnom postupku razmatra u formi Nacrta Zakona.

Vlada Federacije dostavila je Prijedlog Zakona o stočarstvu i Prijedlog Zakona o poljoprivredno-savjetodavnim službama.

Budući da je Predstavnički dom razmatrao ove zakone u formi nacrt, Kolegij predlaže Domu naroda da ih i oni isto tako razmatraju.

Predsjedavajuća je konstatovala da je Dom naroda:

- sa 37 glasova za, uz tri glasa protiv i uz tri uzdržana glasa, prihvatio da se Prijedlog Zakona o stočarstvu razmatra u formi nacrt Zakona,
- sa 39 glasova za, uz jedan glas protiv i uz sedam uzdržanih glasova, prihvatio da se Prijedlog Zakona o poljoprivredno-savjetodavnim službama razmatra u formi nacrt Zakona.

Klub delegata bošnjačkog naroda dostavio je Prijedlog Zakona o izmjeni Zakona o izvršnom postupku s prijedlogom da se razmatra po hitnom postupku.

Kolegij Doma naroda predložio je da se ovaj zakon uvrsti u dnevni red kao 1. tačka dnevnog reda.

Budući da je izražena sumnja u rezultate glasanja, pristupilo se poimeničnom glasanju.

Prije poimeničnog izjašnjavanja Almedin Aliefendić je, ispred Kluba delegata bošnjačkog naroda, iznio razloge zbog kojih bi se ovaj zakon trebao razmatrati kao 1. tačka dnevnog reda.

Radoje Vidović, predsjednik Kluba delegata hrvatskog naroda, zatražio je pauzu prije izjašnjavanja o dnevnom redu zatraživši da se predstavnik Vlade Federacije izjasni o amandmanima koje je podnio na Prijedlog Zakona o matičnim knjigama. Izjavio je da će Klub delegata hrvatskog naroda o ovom zakonu zatražiti da se glasapo proceduri za vitalni nacionalni interes, ako ne budu prihvaćeni amandmani Radoja Vidovića.

Nakon pauze, prešlo se na poimenično glasanje o prijedlogu da se Prijedlog Zakona o izmjeni Zakona o izvršnom postupku, koji je predložio Klub delegata bošnjačkog naroda razmatra kao 1. tačka dnevnog reda i to po hitnom postupku.

Na osnovu rezultata poimeničnog glasanja koje je obavio sekretar Doma naroda Izmir Hadživadić, predsjedavajuća je konstatovala da je Dom naroda Parlamenta Federacije, sa 33 glasa za, uz šest uzdržanih glasova i uz 12 glasova protiv, prihvatio da se Prijedlog Zakona o izmjeni Zakona o izvršnom postupku razmatra kao 1. tačka dnevnog reda i to po hitnom postupku.

Radoje Vidović predložio je da se sa dnevnog reda ove sjednice skine 2. tačka - Prijedlog Zakona o izmjenama i dopunama Zakona o izvršnom postupku -

koji je predložila Vlada Federacije jer razmatra vrlo osjetljiva pitanja, a njegova primjena naročito bi značajno uticala na veliki broj građana hrvatske nacionalnosti.

Također, predložio je da se sa dnevnog reda skine 9. tačka - Nacrt Zakona o šumarstvu - koji su predložili Slaviša Šućur i Enver Mujala, zastupnici u Predstavničkom domu Parlamenta Federacije BiH, jer nije pribavljeno potrebno mišljenje kantona budući da se radi o zakonu koji razmatra pitanja iz zajedničke nadležnosti Federacije i kantona.

Predrag Kojović predložio je da se Dom naroda izjasni o inicijativi Segmedine Srna-Bajramović i da se ta inicijativa stavi kao tačka dnevnog reda.

Nakon toga, predsjedavajuća je dala pauzu na kojoj bi se Kolegij Doma naroda izjasnio o prijedlozima Radoja Vidovića.

Nakon pauze, predsjedavajuća je obavijestila delegate da je Kolegij donio odluku da se ne vodi rasprava o Nacrtu Zakona o šumarstvu dok se ne dostave mišljenja kantona. Pročitala je Zaključak kojim je zadužen predlagač da u roku od 15 dana pribavi mišljenja od nadležnih kantonalnih organa kako bi se ispunili uvjeti predviđeni Poslovníkom o radu Doma naroda za razmatranje ovog zakona.

Potom je dala na glasanje prijedlog Kluba delegata hrvatskog naroda da se 2. tačka - Prijedlog Zakona o izmjenama i dopunama Zakona o izvršnom postupku - skine sa dnevnog reda, što nije prihvaćeno (18 glasova za, 12 uzdržanih glasova i 21 glas protiv).

U vezi sa prijedlogom Predraga Kojovića odlučeno je, u dogovoru sa predlagačem inicijative, da se ova inicijativa ne razmatra na ovoj sjednici.

Radoje Vidović podsjetio je delegate da će se o Prijedlogu Zakona o matičnim knjigama glasati prema proceduri predviđenoj za vitalni nacionalni interes.

Nakon toga glasalo se o predloženom dnevnom redu.

Sa 39 glasova za, uz četiri glasa protiv i uz pet uzdržanih glasova, Dom naroda Parlamenta Federacije usvojio je sljedeći:

D N E V N I R E D

1. Prijedlog Zakona o izmjeni Zakona o izvršnom postupku (predlagač: Klub delegata bošnjačkog naroda u Domu naroda) – hitni postupak,
2. Prijedlog Zakona o izmjenama i dopunama Zakona o državnoj službi u Federaciji BiH - hitni postupak,
3. Prijedlog Zakona o matičnim knjigama,
4. Prijedlog Zakona o ličnom imenu,
5. Prijedlog Zakona o predmetima od plemenitih metala u Federaciji BiH,
6. Prijedlog Zakona o zaštiti od buke,
7. Nacrt Zakona o izmjenama i dopunama Zakona o izvršnom postupku,
8. Nacrt Zakona o stočarstvu,
9. Nacrt Zakona o poljoprivredno-savjetodavnim službama,
10. Nacrt Zakona o šumarstvu (predlagači: Slaviša Šućur i Enver Mujala, zastupnici u Predstavničkom domu Parlamenta Federacije BiH),
11. Nacrt Zakona o sestinstvu,

- 12. Nacrt Zakona o liječništvu,
- 13. Nacrt Zakona o korištenju obnovljivih izvora energije i efikasne kogeneracije.

1. Prijedlog Zakona o izmjeni Zakona o izvršnom postupku

Predlagač Zakona je Klub delegata bošnjačkog naroda u Domu naroda.

Prijedlog Zakona obrazložio je Amir Zukić, predsjednik Kluba delegata bošnjačkog naroda.

U raspravi su učestvovali: Zoran Jovanović, Amir Zukić, Josip Perić, Mirjana Malić, Esad Bašagić, Dževad Rađo, sekretar Doma naroda Izmir Hadžiaović, Ivo Tadić, Aner Žuljević, Mira Ljubijankić, Nikola Simić i Damir Čardžić.

Nakon rasprave data je pauza na kojoj je Kolegij Doma naroda odlučio da se obavi rasprava o tačkama dnevnog reda do 17 sati.

2. Prijedlog Zakona o izmjenama i dopunama Zakona o državnoj službi u Federaciji BiH

Prijedlog Zakona utvrdila je Vlada Federacije.

Predstavnički dom je na 8. sjednici od 23.11.2011. godine usvojio Prijedlog Zakona sa pet amandmana koje je Vlada Federacije prihvatila na sjednici Predstavničkog doma. Amandmani se odnose na čl. 66.a, 74.a, 6. i na dodavanje novih čl. 8. i 14.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je Ivan Matešić, predstavnik Federalnog ministarstva pravde.

U raspravi su učestvovali: predsjednik Kluba delegata bošnjačkog naroda Amir Zukić, Mira Jurić, predsjednik Kluba delegata hrvatskog naroda Radoje Vidović, Drago Puzigaća i Zijat Mušić.

3. Prijedlog Zakona o matičnim knjigama

Prijedlog Zakona utvrdila je Vlada Federacije.

Predstavnički dom je na 8. sjednici od 23.11.2011. godine usvojio Prijedlog Zakona sa četiri amandmana koje je Vlada Federacije prihvatila na sjednici Predstavničkog doma. Amandmani se odnose na čl. 12., 58., 79. i 81.

Na Prijedlog Zakona Radoje Vidović podnio je tri amandmana koji se odnose na čl. 12., 22. i 26.

Amandmani su dostavljeni Vladi Federacije na izjašnjavaње.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je Predrag Kurteš, federalni ministar unutrašnjih poslova, i izjavio da, uz saglasnost sa Radojem Vidovićem, Vlada Federacije prihvata amandman koji glasi:

„U članu 12. u stavu 1. u tački 1) iza riječi: „(u daljnjem tekstu: JMB)“ dodaje se riječ „nacionalnost“.

Stav 2. mijenja se i glasi:

„Činjenica nacionalnost u matične knjige rođenih upisat će se na zahtjev ovlaštenog podnosioca prijave i to: roditelj ili staratelj za upis djeteta u Matičnu knjigu rođenih s tim da dijete kada postane punoljetno ima pravo se izjasniti o svojoj nacionalnosti kod nadležnog matičara.“

Također, izjavio je da će se Vlada Federacije naknadno izjasniti o ostalim amandmanima.

Mijo Matanović obrazložio je Izvještaj Komisije za jednakopravnost spolova.

Almedin Aliefendić obrazložio je Izvještaj Odbora za pravdu, opću upravu i lokalnu samoupravu.

U raspravi su učestvovali: Mira Ljubijankić, Zoran Jovanović, Mirko Batinić, Slobodan Tomić, Sretko Radišić, Predrag Kojović, Damir Čardžić, Amir Zukić, Hanka Vajzović, Josip Perić, Radoje Vidović i Aner Žuljević.

Nakon rasprave, predsjedavajuća je prekinula sjednicu u 17.20.

NASTAVAK 7. SJEDNICE od 20. decembra 2011. godine

Sjednica je počela u 11 sati.

Sjednici je predsjedavala Karolina Pavlović, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila delegate, predsjednika Federacije Živka Budimira, ministricu i ministre u Vladi Federacije BiH, predstavnike sindikata, predstavnike nevladinih organizacija i predstavnike akreditiranih medijskih kuća koji prate rad sjednice.

Izostanak sa sjednice opravdali su Edina Papo, Slađan Ilić i Slobodan Tomić.

Na osnovu evidencije Stručne službe, predsjedavajuća je konstatovala da sjednici prisustvuje 49 delegata, što čini većinu, te Dom naroda može raditi i punovažno odlučivati.

Predsjedavajuća je podsjetila delegate na preostale tačke dnevnog reda i prešla na rad.

1. Prijedlog Zakona o izmjeni Zakona o izvršnom postupku

Predsjedavajuća je podsjetila delegate da je izjašnjavanje o ovom zakonu, koji je predložio Klub delegata bošnjačkog naroda u Domu naroda, odloženo dok Vlada Federacije ne dostavi mišljenje o ovom zakonu.

2. Prijedlog Zakona o izmjenama i dopunama Zakona o državnoj službi u Federaciji BiH

Budući da je rasprava o Prijedlogu Zakona zaključena predsjedavajuća je pozvala delegate da se izjasne o Prijedlogu Zakona o izmjenama i dopunama Zakona o državnoj službi u Federaciji BiH.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 35 glasova za, uz jedan glas protiv i uz devet uzdržanih glasova, usvojio Prijedlog Zakona o izmjenama i dopunama Zakona o državnoj službi u Federaciji BiH.

3. Prijedlog Zakona o matičnim knjigama

Predsjedavajuća je podsjetila delegate da je rasprava o ovoj tački dnevnog reda zaključena.

Budući da je na Prijedlog Zakona o matičnim knjigama Radoje Vidović podnio tri amandmana, Predrag Kurteš, federalni ministar unutrašnjih poslova, izjavio je da Vlada Federacije prihvata Amandman I, dok amandmane II i III ne prihvata.

Nakon toga, predsjedavajuća je pitala podnosioca amandmana da li ostaje pri amandmanima II i III.

Radoje Vidović je izjavio da ostaje pri amandmanima te je predsjedavajuća pozvala delegate da se o njima izjasne.

Na osnovu rezultata glasanja, predsjedavajuća je konstatovala da Dom naroda Parlamenta Federacije nije prihvatio amandman II, jer je za glasalo 19 delegata, četiri delegata su bila protiv a 23 delegata su bila uzdržana.

Na osnovu rezultata glasanja, predsjedavajuća je konstatovala da Dom naroda Parlamenta Federacije nije prihvatio amandman III, jer je za glasalo 20 delegata, četiri delegata su bila protiv a 23 delegata su bila uzdržana.

Nakon toga se prešlo na izjašnjavanje o Prijedlogu Zakona.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 44 glasa za i uz četiri uzdržana glasa, usvojio Prijedlog Zakona o matičnim knjigama sa jednim amandmanom koji je Vlada Federacije prihvatila na sjednici Doma naroda.

Amandman glasi:

„U članu 12. u stavu 1. u tački 1) iza riječi: „(u daljnjem tekstu: JMB)“ dodaje se riječ „nacionalnost“.

Stav 2. mijenja se i glasi:

„Činjenica nacionalnost u matične knjige rođenih upisat će se na zahtjev ovlaštenog podnosioca prijave i to: roditelj ili staratelj za upis djeteta u matičnu knjigu rođenih, s tim da dijete kada postane punoljetno ima pravo izjasniti se o svojoj nacionalnosti kod nadležnog matičara.“

Budući da je Prijedlog Zakona o matičnim knjigama usvojen u različitom tekstu u oba doma Parlamenta Federacije **potrebno** ga je **usaglasiti**.

4. Prijedlog Zakona o ličnom imenu

Prijedlog Zakona utvrdila je Vlada Federacije.

Predstavnički dom je na 8. sjednici od 23.11.2011. godine usvojio Prijedlog Zakona sa dva amandmana koje je Vlada Federacije prihvatila na sjednici Predstavničkog doma. Amandmani se odnose na čl. 8. i 14.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je Predrag Kurteš, federalni ministar unutrašnjih poslova.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 39 glasova za, uz dva glasa protiv i uz devet uzdržanih glasova, usvojio Prijedlog Zakona o ličnom imenu.

5. Prijedlog Zakona o predmetima od plemenitih metala u Federaciji BiH

Prijedlog Zakona utvrdila je Vlada Federacije.

Predstavnički dom je na 8. sjednici od 24.11.2011. godine usvojio Prijedlog Zakona u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je Erdal Trhulj, federalni ministar energije, rudarstva i industrije.

U raspravi su učestvovali: Amir Zukić, predsjednik Kluba delegata bošnjačkog naroda, Sretko Radišić, Erdal Trhulj i Mirjana Malić koja je predložila ispravku jezičke prirode u tekstu Zakona na srpskom jeziku da se riječi: „dragocjeni metal“ zamijene riječima: „plemeniti metal“ u odgovarajućem padežu.

Sa 37 glasova za, uz dva glasa protiv i uz devet uzdržanih glasova, Dom naroda Parlamenta Federacije usvojio je Prijedlog Zakona o predmetima od plemenitih metala u Federaciji BiH.

6. Prijedlog Zakona o zaštiti od buke

Prijedlog Zakona utvrdila je Vlada Federacije iz prethodnog mandatnog perioda.

Premijer Federacije Nermin Nikšić dostavio je izjašnjenje Domu naroda Parlamenta Federacije kojim sadašnja Vlada Federacije izjavljuje da ostaje kod predloženog teksta Prijedloga Zakona.

Predstavnički dom je na nastavku 33. sjednice od 28.07.2010. godine usvojio Prijedlog Zakona u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložila je Branka Đurić, federalna ministrica okoliša i turizma.

U raspravi nije niko učestvovao.

Sa 38 glasova za, uz dva glasa protiv i uz osam uzdržanih glasova, Dom naroda Parlamenta Federacije usvojio je Prijedlog Zakona o zaštiti od buke.

7. Nacrt Zakona o izmjenama i dopunama Zakona o izvršnom postupku

Zakon je u formi prijedloga utvrdila Vlada Federacije.

Predstavnički dom je na 8. sjednici od 23. i 24.11.2011. godine odlučio da Zakon razmatra u formi nacrta i Zaključkom ga prihvatio. Tom prilikom Zakon je stavljen na javnu raspravu.

Zakon su u formi prijedloga razmatrala nadležna radna tijela i dostavila izvještaje.

Nacrt Zakona obrazložio je Sanjin Pačariz, predstavnik Federalnog ministarstva pravde.

Zoran Jovanović obrazložio je izvještaj Komisije za ustavna pitanja Doma naroda.

U raspravi su učestvovali: Senahid Šaković, Tomislav Martinović, Zoran Jovanović, Zijat Mušić i Radoje Vidović.

Sa 35 glasova za, uz 11 glasova protiv i uz četiri uzdržana glasa, Dom naroda Parlamenta Federacije usvojio je sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o izmjenama i dopunama Zakona o izvršnom postupku i smatra da može poslužiti kao osnov za izradu prijedloga Zakona.
2. Zadužuje se Vlada Federacije da u roku od 30 dana organizira i provede javnu raspravu.
3. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici, kao i one iznesene u javnoj raspravi.

Budući da je Đuro Prkačin, koga su podržali Tomislav Martinović i Stipo Pelivan, izrazio sumnju u rezultate glasanja, pristupilo se poimeničnom glasanju koje je obavio sekretar Doma naroda Izmir Hadžiavdić.

Sa 33 glasa za, uz 13 glasova protiv i uz pet uzdržanih glasova, usvojio je sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o izmjenama i dopunama Zakona o izvršnom postupku i smatra da može poslužiti kao osnov za izradu prijedloga Zakona.
2. Zadužuje se Vlada Federacije da u roku od 30 dana organizira i provede javnu raspravu.
3. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici, kao i one iznesene u javnoj raspravi.

Prije prelaska na sljedeću tačku dnevnog reda Drago Puzigaća zatražio je utvrđivanje kvoruma za rad i odlučivanje, te je sekretar Doma naroda Izmir Hadžiavdić izvršio prozivku delegata i konstatovao da sjednici prisustvuje 31 delegat, tako da postoji kvorum za rad i odlučivanje.

8. Nacrt Zakona o stočarstvu

Zakon je u formi prijedloga utvrdila Vlada Federacije.

Predstavnički dom je na 8. sjednici od 23. i 24.11.2011. godine odlučio da Zakon razmatra u formi nacrtu i Zaključkom ga prihvatio. Tom prilikom Zakon je stavljen na javnu raspravu.

Zakon su u formi prijedloga razmatrala nadležna radna tijela i dostavila izvještaje.

Nacrt Zakona obrazložio je Jerko Ivanković Lijanović, federalni ministar poljoprivrede, vodoprivrede i šumarstva.

Ispred Odbora za poljoprivredu, vodoprivredu i šumarstvo izvještaj je obrazložio predsjednik Odbora Mustafa Kurtović.

U raspravi je učestvovao Nikola Simić.

Sa 33 glasa za, uz pet glasova protiv i uz osam uzdržanih glasova, Dom naroda Parlamenta Federacije usvojio je sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o stočarstvu i smatra da može poslužiti kao osnova za izradu prijedloga Zakona.
2. Zadužuje se Vlada Federacije da u roku od 30 dana organizira i provede javnu raspravu posebno kod veterinarskih i drugih strukovnih ustanova i institucija.

3. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici, kao i one iznesene u javnoj raspravi.

9. Nacrt Zakona o poljoprivredno-savjetodavnim službama

Zakon je u formi prijedloga utvrdila Vlada Federacije.

Predstavnički dom je na 8. sjednici od 23. i 24.11.2011. godine odlučio da Zakon razmatra u formi nacrtu i Zaključkom ga prihvatio.

Zakon su u formi prijedloga razmatrala nadležna radna tijela i dostavila izvještaje.

Nacrt Zakona obrazložio je Jerko Ivanković Lijanović, federalni ministar poljoprivrede, vodoprivrede i šumarstva.

Ispred Odbora za poljoprivredu, vodoprivredu i šumarstvo izvještaj je obrazložio Mustafa Kurtović, predsjednik Odbora.

U raspravi su učestvovali: Sretko Radišić, Radoje Vidović, predsjednik Kluba delegata hrvatskog naroda, Mladen Lonić, Elvira Abdić-Jelenović i Jerko Ivanković Lijanović, federalni ministar poljoprivrede, vodoprivrede i šumarstva.

Sa 33 glasa za, uz sedam glasova protiv i uz osam uzdržanih glasova, Dom naroda Parlamenta Federacije usvojio je sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o poljoprivredno-savjetodavnim službama i smatra da može poslužiti kao osnov za izradu prijedloga Zakona.
2. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici.
3. Zadužuje se Vlada Federacije, odnosno Federalno ministarstvo poljoprivrede, vodoprivrede i šumarstva da uz Prijedlog Zakona dostavi pregled svih aktivnosti koje su se vodile prilikom pripreme ovog zakona.

10. Nacrt Zakona o šumarstvu (predlagači: Slaviša Šućur i Enver Mujala, zastupnici u Predstavničkom domu Parlamenta Federacije BiH)

Predsjedavajuća je podsjetila delegate da je u prethodnom postupku odlučeno da se odloži rasprava o Nacrtu Zakona i da su zaduženi predlagači da u roku od 15 dana pribave mišljenja od nadležnih kantonalnih organa nakon čega će biti ispunjeni poslovnički uvjeti za razmatranje ovog zakona.

11. Nacrt Zakona o sestrinstvu

Nacrt Zakona utvrdila je Vlada Federacije.

Predstavnički dom je na 8. sjednici od 24.11.2011. godine razmatrao Nacrt Zakona i Zaključkom ga prihvatio. Tom prilikom Nacrt Zakona stavljen je na javnu raspravu.

Nacrt Zakona razmatrala su nadležna radna tijela i dostavila izvještaje.

Nacrt Zakona obrazložio je Rusmir Mesihović, federalni ministar zdravstva.

U raspravi nije niko učestvovao.

Sa 38 glasova za, uz četiri glasa protiv i uz sedam uzdržanih glasova, Dom naroda Parlamenta Federacije usvojio je sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o sestrinstvu i smatra da može poslužiti kao osnov za izradu prijedloga Zakona.
2. Zadužuje se Vlada Federacije da u roku od 30 dana organizira i provede javnu raspravu.
3. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici, kao i one iznesene u javnoj raspravi.

12. Nacrt Zakona o liječništvu

Nacrt Zakona utvrdila je Vlada Federacije.

Predstavnički dom je na 8. sjednici od 24.11.2011. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila izvještaje.

Nacrt Zakona obrazložio je Rusmir Mesihović, federalni ministar zdravstva.

Ispred Komisije za jednakopravnost spolova izvještaj je obrazložio Mijo Matanović, predsjednik Komisije.

U raspravi su učestvovali Vesna Nemeć-Klisura i Jasmin Smailbegović.

Sa 39 glasova za, uz četiri glasa protiv i uz sedam uzdržanih glasova, Dom naroda Parlamenta Federacije usvojio je sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o liječništvu i smatra da može poslužiti kao osnov za izradu prijedloga Zakona.
2. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici.

13. Nacrt Zakona o korištenju obnovljivih izvora energije i efikasne kogeneracije

Nacrt Zakona utvrdila je Vlada Federacije.

Predstavnički dom je na 8. sjednici od 24.11.2011. godine razmatrao Nacrt Zakona i Zaključkom ga prihvatio. Tom prilikom Nacrt Zakona stavljen je na javnu raspravu.

Nacrt Zakona razmatrala su nadležna radna tijela i dostavila izvještaje.

Nacrt Zakona obrazložio je Erdal Trhulj, federalni ministar energije, rudarstva i industrije.

U raspravi su učestvovali Ivo Divković i Hajrudin Bećirović.

Sa 32 glasa za, uz šest glasova protiv i uz devet uzdržanih glasova, Dom naroda Parlamenta Federacije usvojio je sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o korištenju obnovljivih izvora energije i efikasne kogeneracije i smatra da može poslužiti kao osnov za izradu prijedloga Zakona.
2. Zadužuje se Vlada Federacije da u roku od 60 dana organizira i provede javnu raspravu.
3. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici, kao i one iznesene u javnoj raspravi.

Sjednica je završena u 14.40.

* * *

Transkript sjednice čine sastavni dio Zapisnika.

SEKRETAR

Izmir Hadživdić

PREDSJEDAVALA

Karolina Pavlović, prof.